

四庫全書

集部

欽定四庫全書

御製詩四集卷三十

古今體一百五首

乙未六

養心殿對雨

四月廿四日

過午雲似湊連未色變黃須臾為昏霾颼颼風漸狂又  
復無雨冀反側愁不遑豈料風催雨頃刻霏霽霽疾更  
繼以徐歷申酉戌長駕溜如玉瀑鈿砌疑銀塘豐澤

園名

在瀛臺

有猷畝劄土差中常高地潤三寸窪地四寸強願

手逢望外喜共農夫慶然恐喜鄰驕點筆增傍徨

西直門外作

傳臚禮畢動鳴鑾仍返園居詢

懿安應是昨來雨勢遍曉風城外益增寒

昨過青苗憐欲萎今來綠隴沐如新可知一雨恩膏溥  
助長真應勝宋人

殷勤慰諭沐

慈恩謂合今朝得解煩一例重農厓稼穡古來可有似

徽尊

將軍阿桂奏報攻克木思工噶克了口等碉柵詩

以誌事

自報克獲康薩爾頃兵三月未能進雖時斬勦賊小創  
以近巢穴守愈峻定計兩路為夾攻宜喜下壓乘其釁

阿桂自攻得康薩爾以來雖屢籌進勦時有新獲但賊  
人因距巢益近竭力死守未能即克因計宜喜一路有  
可乘之隙約明亮至軍營面商乘賊人不備由山梁下  
壓可收夾攻之利因於南路抽兵四千七百又添派川  
兵二千阿桂亦於西路選兵一千令  
海蘭察福康安帶往俾資合勦之力  
精兵既益調遣定

爰趁天晴入奮迅了口為賊境咽喉未因宜喜潛抽引而我將卒鼓敵愾直冒煙火無回吝三面險礮一時奪軍營自三月下旬以來雨雪彌漫直至四月初十始得晴霽山梁積雪已消明亮訂期十二三等日進攻而阿桂以進攻宜喜之局為此時緊要關鍵必須未思工噶克及得武替兩處同日並攻賊始不能抽掣堵禦因派將領帶兵分路進兵十四日子時烏什哈達率兵潛至木思工噶克了口起越而登賊以此地為其咽喉要處並未潛抽此處賊人以防北路宜喜之兵一見我軍即鎗石齊發力為抵禦遂擊梁朝桂先擒東北隅大礮攀援而上官兵隨毀其礮根湧入泰將國興督兵躍入水城並用刀斧斫柵衝入惟時我兵呼聲四合兵氣益揚侍衛穆哈納副將曹順將山峯左右之礮同時攻克其中所有賊衆殲戮甚多官兵自康薩爾至了口連擊未

柵佔據其攻打沿河各寨之兵携柴前往堆積羣尼寨  
下放火焚燒延入寨中賊多燒斃從此至噶爾丹寺可  
從山梁徑下并可直壓勒烏圍阿桂奏謂一日  
而收三年未竟之功為之欣慰即勅部議叙  
自此徑

### 進勢應順西路捷實賴

天佑更稱望見北路近得楞礪卡已攻獲薩克薩谷下

一瞬

阿桂並稱北路官兵先於十二日進攻甲索搶獲  
大礪一石礪九並於十三日望見攻克得楞礪卡

向東南已至沙爾尼之上又見有一隊官兵向東從薩  
克薩谷而下已可直至河沿所有日旁沙礪及喀爾西  
斯年木咱爾等四處山腿山溝寨落賊人似已不戰而  
逃由彼至勒烏圍對河臨岸其間已無險阻計明亮奏  
摺亦曰  
內可至  
一日可收三年功佇待明亮報實信

山西巡撫巴延三奏報通省得雨情形詩以誌慰

夏雨霑羸春雨優更兼各屬被恩稠

巴延三奏晉省三月連得雨澤立夏

後省城於十四十五兩日密雨連綿入土四寸餘十六日又雷雨一陣連日陰雲四合霑被必廣飾據通省各

府州屬報十四至十七等日得雨二三寸至八九寸不等二麥正當抽穗之時得此可期實粒飽綻穀黍雖根

亦得乘時茁發望前後連三省遍  
畿南豫省於十四五等日均被優膏今山西亦於望前後

得雨二省同時秋餅餽占加倍收不必更言愁慰併  
此

京師望雨因於軍功擢奏報保定得雨有慰與盼仍兼之句及聞徐續奏河南得雨亦有詩云近苦何日釋邈

慶其何補今京城已霑甘霽可以暫釋近懷矣却因昨遇霈霽酬然斯一念何

終極益切祈年慎自脩

題米芾書離騷

騷經重讀左徒語信史因存特進書謂米箇中寧漫也

疑吳妙處詎能如

冊尾不署名李東陽跋為米芾書諦觀之殊不妄或疑為吳琚所作琚學

米僅惟形似其精神未必能臻此

端莊流麗文兼字坐撫行吟居與諸

莫議南官署名闕刻舟求劍乃拘墟

副將軍明亮奏報攻克宜喜甲索等處碉卡詩以

誌事



去年宜喜據山梁

昨歲七月明亮自絨布寨移兵欲赴西路協勦道經綽斯甲布境出其不

意攻克宜喜山梁據賊要隘惟因去路綿長官兵不敷統截隨改路由達爾圖進攻未能深入未進都

因去路長增調官兵足供用更相籌畫總抒良

明亮等至達爾

圖屢籌進勦賊衆守禦更力且於達爾圖山梁下掘濠阻官軍進路復稽時日阿桂因籌議賊中形勢謂仍當由宜喜一帶相機即進並請多撥勦兵供用使之迅速集事阿桂唯以國家軍務為重實心運籌不分畛域其心足嘉曾傳

日旁別綴聊虛擲

南路及吉地等抽調官兵四千七百餘合以川

兵二千阿桂又撥西路兵一千再就宜喜等各營原有兵抽撥約可滿萬明亮遂於宜喜一路董率前進其日旁一帶仍駐兵在彼常作

甲索先攻且試嘗

明亮既與阿桂訂期

攻勦之狀以牽綴賊勢

夾擊因思甲索一帶既浸祇餘老弱防守遂令總兵敷成昔兵直入十二清晨連破賊人要隘三碉又指佔左右兩山賊碉七座已刻以後將接連鼓勇遂教分隊入俄坡之東山賊碉四座亦經佔據

剪兇都勵一心強碉平柵克力羣奮訊執醜擒氣越揚

甲索既已得手宜喜一路更覺勇氣倍增而達爾圖以下得楞一帶山岡綿延二十餘里其上碉卡甚多因派科瑪阿爾都等為兩支分取得楞大碉又派三保和隆武奎林珠耳格德阿滿太等為五隊分取得楞南峯頭所有之碉其向東山腿則令福康安等往攻十三日黎明各官兵呼聲四起奮往爭先賊人鎗礮齊發疾如閃電三保等六隊官兵各將所指之碉先後攻克福康安等亦搶得石卡三座統計殲賊二百餘生擒者七官兵各將所得之乘勝齊兵擬下壓裁前料賊即奔忙明亮奏地嚴行守禦

人立脚未定無險可恃之際催集新到川兵尅日下壓  
直至河岸邊非惟達爾圖等處賊人立見竄散即沙獮  
喀爾西之賊皆攔截兩軍會合指旦晚衆志歡呼益  
在後白可不攻而得

慶三捷勒烏圖最近

阿桂攻克木思工噶克了口已可  
下壓噶爾丹寺直擣勒烏圖明亮

兵抵河岸邊亦可與阿桂會合夾攻賊巢計克勒烏圖  
及噶刺依并擒索諾木等當三次報捷而克勒烏圖之  
紅旗當第一到懸望

一先到也

紅旗第一到懸望

賦得松不棲蟬

得咸字八韻  
徵館試題

勁氣蒼松負無威而有威未容蟬漫託祇許鶴相依五  
月腹鳴蟻千林陰選肥獨嫌鍼似刺乍欲止還飛流響

息兮作入冥是也非空桐拈窅奧

語出空桐子

介甫語依韋

王安石詩云去年今日青松路憶似聞蟬第一聲又似樓松矣

物稟陰陽妙思研理氣

微大夫誠不猛撫詠引清機

夜雨

四月廿七日

傍晚雲復聚入宵雨遂零無眠甘徹夜有喜在遥町膏  
環同心潤溜簷傾耳聽問奚答

天貺益敬不遑寧

題仇遠金淵集

宋末元初鳴以詩早年仇白斐已名馳却看排次懷面

目仇遠在宋末即以詩名其格高雅往往誦頌古人世所傳惟興觀集山村遺稿及近時歛人項夢昶所輯

山村遺集其金洲集則不可復覩茲于永樂大典散篇中裒輯各體編為六卷考遠贈士瞻上人卷僧道衍跋

之推挹甚至蓋深傾倒於遠者故其監修是書所載獨多似全部遺者無幾若有神物訶護者然信有

甲丁為護持雄逸或堪蘓軾伯仲清真亦偶陸游頃篋

擬之李杜誠猶遠則實淵源限代時

詠周樂天鍾

蝕土篆雖隱樂天文尚留子孫永保鼓用其銘語田海早更

平聲

休一具依然在六韜

銘中有  
韜字

疑可求因之仰顙頊寧

祇玩姬周

題玉鏤燕子磯

磨琢渾成燕子磯登峯攬勝憶依稀長江萬古流不盡

南國四巡過已違祇足民情忘未得設於景物應斯非

句吟乙酉分明泐

乙酉南巡有登燕子磯詩今并鐫於玉壁

覺愧如他玉有

輝

陝西巡撫畢沅奏報得雨詩以誌慰

被澤由來數省同

保定省城及河南皆於四月十四五等日得雨三寸山西則同日得雨四寸

餘今卑沅秦西安省城並各州縣均於十四日得雨深遠四省同時被澤實為難遭而愈西則愈霑足計甘省

邊陲自當一律普渥耳

深霑西更勝於東揚花吐穗麥秋近結粒

升漿精氣充

二麥揚花甫卑正當升漿結實之候得此雨精氣內充苞粒尤為堅碩民情欣慶云

云亦卑沅所奏也

近遠民皆懷赤子悃懃恩祇賴

天公奏書披覽誠欣慰欣慰之餘益勅躬

詠白玉穀壁

古時白玉壁率被土華侵此獨留本色因何全至今鄙

哉較厚薄幸矣免升沉原自無瑕掩渾然契素心

高克恭雲礪飛瀑用圖間題者韻

山雲互環抱若沉復若浮樓上憑觀者人間第一流

山東巡撫楊景素奏報得雨

廿四此間雨山東廿五逢

京師於廿四下午得雨四寸山東則廿五子時始雨分寸與此

間略同蓋此次之雨自北而南故遲南較遲也

今耑稱大霈真足慰三農麥

報有收定

楊景素奏通省麥收約計九分有餘今得此透雨顆粒倍加飽滿即秋禾亦皆暢發民情

歡慶禾欣助長重幸哉經亂地

去歲壽張陽穀臨清三處經逆匪王倫擾害間闕未



免瘡痍今得麥豐接  
濟元氣可望即復矣  
元氣復從容

詠定窰盤子

越罷出廬奴七言曾詠蘓巧輸今治矣樸副古名夫哆  
口銅平鎖圓形月就模雲中見龍爪如有復如無

夏日池上居

夏日宜居池上居天光水態澹如如望雲愁早幸過彼

較雨量晴略慰予祇有殷心盼捷至

阿桂攻克木思工  
噶克了口可以直

歷噶爾丹寺明亮則初克甲索宜喜復自達爾圖下至  
基木斯丹當噶並日旁以前環山五十里內賊碉俱經

焚燬已可渡河與阿桂合兵會勦勒烏  
圖計日大功可成盼望紅旗較前倍切  
豈無逸興遣幾  
餘拈吟即景猶嫌慣校勘欣翻四庫書

如園

豈不園中咫尺近自春徂夏未經臨了知砌卉過

平聲紅

雨且喜庭柯暮綠陰步處假山勢展畫引來活水韻調  
琴如斯美景多虛擲却笑其初結構心

熙春園觀麥

複道跨兩園其下通衢穿寧闕偶語察却為衆行便過

即為熙春俗曰東園慣於中多隙地種麥年來徧藉用  
驗農功詎止資遊玩春雪及春雨時盼亦時見昨近始  
渥霑四寸真非謾麥長上聲雖弗齊吐穗率已半行漿頗  
似壯拔節差覺健此後祝再霈餅餌庶可饒

主善齋

道德為虛位善誠道德楨刻當存此念肫足感他情是  
主非私主無營而有營東平稱最樂我亦久堂名

花韻軒口號

花韻何宜宜是春三春曾未一檐巡  
千紅萬紫都過了  
笑問誰知此韻真

對雲樓

碧雲白雲雲之真青雲綠雲雲之假  
今來巖樓之所對  
乃是其假非真也雖然予更有後言  
真假自是虛名寫  
樓乎雲乎林葉乎却笑循名責實者

松簧館

童童滿院佈蒼雲雲裏璫聲落可聞  
設使五絃相唱和

正宜即景譜南薰

觀疇樓

園樓枕石牆牆外坦田疇登樓無他觀觀疇農事籌春  
雪及春雨非闕亦非優二麥與大田佈種良已周夏初  
微覺亢隨霑四寸侔未敢即言喜而實稍解憂惟祈更  
大霑庶可歌有秋

竹淨室

新筍欲成林老屋越因淨蕭蕭低拂窓森森密護徑未

可長

士聲

物厠恰喜古編映宜聽更宜望入畫復入詠祇

惜弗久坐於茲悅神性

### 題敦素堂

間道過遊還過來溪堂敦素憩徘徊四章題句似之矣

向曾賦素月素冰素琴  
素鵲為敦素堂四詠

一晌怡情有是哉藻繪可因知

禮後沉藏於以驗恢台方池澹沱曾無著不示物形鑑

影開

### 挹泉榭口號

高水原從牆外引，挹泉假藉與名新。偶然思義蹶然笑，  
即使真泉底是真。

含芳書屋

韶華修已過，恢矣旋來臨。生意無終窮，足見天地心。嘉  
木畧蔥蘢，雜卉綻侵尋。蜂含桃李謝，蝶入葵榴深。書屋  
與之同，含芳今匪今。我實偶然至，安得謂知音。

靜虛齋

書齋靜且虛，虛靜趣何如。踈釋動無擾，私祛受有餘。詎

惟名羨彼端合義箴予即看庭前景謚明亦笑諸

微雨

五月初  
四日

徹夜頻詢聚散雲朝來斷續雨絲棼未成分寸難酬望  
亦取霑濡略可欣涼劇應知霈左近霑優仍待副希勤  
端陽預日無心賞一任龍舟繫沼濱

端陽日侍

皇太后宴觀龍舟

去歲龍舟未侍



觀邇來被澤合承

歡

慈心同我良農寶佳節應

平聲

茲角黍盤有喜午陽增麗

景無妨昨雨醲輕寒雖云競渡原非競欲以醇風示衆  
看

詠和闐玉飛龍如意

如意如何訓益如聲氣同應求無待召契合有相融琢  
玉質方稱為龍理可通玩占乾九五利見慎吾躬

賦得大車檻檻

得還字八韻  
有序 朝考題

詩小序云大車刺周大夫也謂陳古以刺今大夫  
不能聽男女之訟毛傳鄭箋多從之朱子集傳則  
謂周衰大夫猶有能以刑政治其私邑者故淫奔  
者畏而歌之仍本小序而略變其說惟端木詩傳  
謂周人行役而訛其室家賦大車又魯申培詩說  
謂大車周人從軍寓其室家之詩二說似得正解  
按小雅出車勞還率也通篇皆述其行役之苦以

慰勞之此篇一則曰豈不爾思畏子不敢再則曰  
豈不爾思畏子不奔與出車篇豈不懷歸畏此簡  
書意正相類其曰穀則異室死則同穴亦猶邶風  
擊鼓篇生死契濶之義若作男女淫奔解則生既  
異室死安得同穴乎又毛傳謂大車大夫之車毳  
衣大夫之服孔疏因釋為大夫乘大車服毳冕巡  
邦國以決訟失之拘矣蓋大車即采薇篇之戎車  
而毳衣之如茨如璫乃侈陳服飾之盛亦猶采薇

篇之詠及弭服出車之詠及旃旒耳且大夫治軍  
旅原有兼將率者即以此為形容大夫車服亦無  
不可第不必如傳疏之泥於聽訟之解也若夫出  
車篇叙及艱難况瘁乃上之人體恤下情代為詳  
述非若擊鼓詩人之自陳危苦正雅之異於變風  
者以此又如周公東山之詩閑東征者而作為之  
歌詠勞苦得乎性情之正故能使上下心志交孚  
所以為盛降及後世如杜甫兵車行新婚垂老諸

別則在下愁苦哀怨之音意主諷刺而非溫柔敦厚之遺矣且古者寓兵於農戰陣非其專習或不免以調遣為苦漢以後兵民既分設兵備用荷戈乃分內之事尤不宜稍涉愁歎如出車篇之憂心悄悄鄭箋謂其臨事而懼誠非過論呂祖謙乃云古者出師命下之日士皆涕泣此書生迂儒之見不值一喙而綠營士卒畏慙不前聞出軍而色變往往如此宋明之兵氣藹弱以至於亡職是故耳

若我滿州習尚則不然聞有征調之事踴躍請行  
每以不得列名兵帖為恥故用之所向克捷洵非  
前代委靡之兵所能及然八旗風氣固純亦貴乎  
培養而振作之億萬年保泰求安之遠圖無有重  
於此者茲以朝考新進士舉此命題即取子貢詩  
傳義賦成八韻并引申為序大暢厥旨而予適日  
盼睫之殷懷亦即於是詩三致意焉

風雅夥章句宣尼三百刪序家多有異聖意鮮能閑檻

檻大車詠姜姜小雅嫺

小雅出車并木姜姜勞還率之詩

毳衣行役訊

擊鼓從

去聲

軍艱契濶誰弗念賢勞我亦關征番實非已

望捷刻無閒近穴當擒免

阿桂已自木思工噶克下壓噶爾丹寺明亮亦攻至沿河

計日可合兵會勦勒烏圍乘勝掃穴擒渠惟盼紅旗速達

犁庭等艾官紅旗佇將至

指日凱歌還

陣雨

五月初九日

西北晚生雲遙聞殷雷鼓須臾至天中急點落陣雨列  
缺光拖鞭豐隆響振鼓將謂霽霈成倏卷東南宇分寸

原未逮徒濕庭前土何時獲優霖嗟哉我農父

捷報

過日捷報頻頻來紅旗益盼其至哉西路已克山之嶺

阿桂奏下已木通地既陡峻上下雙礮中間復攔木城  
一道溝壕重疊以阻我軍海蘭察顧森特於四月廿二  
日寅時督催官兵拔開木城從中冲突由旁繞出礮後  
官達色等所統正西官兵亦一擁直上於是合力連克  
兩礮賊人大半被殲得脫者甚少官兵已據上游勇氣  
百倍海蘭察等乘勢督率順梁攻壓又將色滿歪哈吉  
達佳布一帶礮寨悉行攻獲維時五岱等先至來珠寨  
下直前攻克而得式梯賊人尚以鎗石抵禦及見梁上  
礮寨悉被焚燒又見官兵衛山而下勢不可當旋棄礮  
而遁官兵即將上下得式梯全行佔據而勒吉爾博山



梁上下迤延二十里所有碉寨卡棚經烏什哈達等先  
後攻勦盡數掃除共榮噶爾博一帶山梁經阿桂豐昇  
顏統兵據佔直至第三峯之上現擬奮力分勦若由第  
三峯大山梁前進又分一路出木思工噶克了口由半  
山前進佔至第九峯則俯臨勒烏團勢若建瓴更無阻  
礙此次計克大碉一百數十處木城數十座寨落二百  
餘寨房千數百周殺賊三四百生

北路復據河之隈

明

擒者十奪獲牛羊馬鎗刀矛無算  
泰如寨一路麥田收獲在即賊人抵死護衛攻之自不  
可緩而如寨戰碉扼其險要微克穀谷一路官兵難以  
徑進惟當於基木斯升當噶山腿盡處竭力冲關賊壘  
一路擊卡而前直抵河沿則如寨一帶皆可攔截不攻  
自破隨於廿三日派兵分進侍衛進財保等帶兵搶佔  
臨河六處緊要碉寨賊見官兵勇銳勢不能當隨各棄  
碉逃竄其時副將圖欽保帶兵在微克微谷聽聞鎗聲  
即督兵直攻如寨戰碉施放火彈乘賊人四散潰逃即

將谷寨落縱火焚燒而奮勇官兵亦已截出河沿其各寨竄出之賊中鎗被箭者甚多亦有墜河死者自山腿以下麥田十餘里皆為我官兵佔據由此至勒烏圍僅一河之隔即可與阿桂訂期會勦矣

下壓

謂西

旁擊

謂北

各盡力彈丸勒圍

即勒烏圍急呼之則為勒圍

實易摧

噶喇依

俗謂之刮耳崖

竄勢必有

逆酋索諾木現居噶喇依其各處賊省所有糧食器具聞

皆陸續運往尚欲恃此一隅拒守為苟延旦夕之計但其地積糧既少而各處散回之賊愈聚愈多口食更無所藉非忍飢待斃即潰散來投諒必不能久存耳

然亦豈能數月挨蟻附羣小

固可恨何妨湯網為之恢降旨脅從與罔治

前以賊省黨助逆暨

抗拒王師罪大惡極曾屢諭將軍等以官軍既抵勒烏圍噶喇依賊即求降亦不可宥今兩路官兵連次克捷

計日可以會勦掃珍賊巢窟黨族羣必立就駢戮但為  
數不免稍多於心究有所不忍因令將軍叅贊於連兵  
時宣諭賊衆有能畏罪出降者仍從寬免死如此網開  
一面惟仰體上天好生之仁而以此招降賊衆自  
必聞而解體更可好生  
望大功速就云

天德敬體懷藏功休息吾本志迴思久矣增徨徊

詠和闐王桃源圖

試問源中者何人非王人允堪稱太古詎止避嬴秦耕  
鑿不知識往來洽里鄰漁舟還欲返已自是迷津

題明版東觀餘論

米已闢王黃斥米

見黃伯思序語

從來聚訟每紛如千年下議

千年上幾事實當幾事虛筆正明言在心正古書垂法  
示今書重摹淳化加評訂也覺斯之未信予

微雨

五月十三日

曉雲落微雨片刻即云停別見地皮濕未聞土氣馨渴

田邨有濟怒志越無寧降旨脩精禱

以時過芒種大田盼雨甚殷諭禮部

即行祭  
例度禱

籲哉曷惠靈

題顧源喜雨圖口號

蘊暑如蒸待雨來  
圖成而霑喜應該

二句藥括顧源自識語

我今

展畫徒延望

時正望雨

嘉霽何時祇喟哉

驟雨用題顧源喜雨圖口號韻

驟雨倏從西北來  
倏晴仍惜未霑該  
較優於曉望於夜  
豈謂徒徵畫兆哉

夜雨仍疊驟雨韻

入夜果然符望來

適驟雨詩有較優於曉望於夜之句

謝詩欣詠百神該

用謝朓詠亭山春雨聯句事

徐聽響勢又徐弱  
展轉安能熟寐哉

詠定窯三羊方盃

粉定出北宋花瓷實鮮看

蘇東坡詩定州花瓷琢紅玉今之定瓷皆白色無采所謂

粉定也然率素質若此隱起三羊紋者卽東坡所謂花瓷亦無不可非紅寧紫奪惟白得

初完坤二形堪表

取直方之喻

乾三義具觀

羊者陽也有乾九三之義因

思切已戒敢忘作君難

西直門外

朝考及視朝有事還彤宮清曉乘輕輿途便閑農功昨  
雨雖弗優亦足濯菁蔥秋麥已逮收夏苗茁茁及此

金史卷之二十一  
卷三十一  
霈甘膏猶可冀卜豐因之益望霖安能置沖沖

養心殿對雨

五月十四日

午熱西南蒸臙雲晚來遂落雨絲焚琉璃瓦滑易為溜  
未及優霑未足云

題金版貞觀政要

好名曾昔議文皇三代下名好亦臙言不以人廢如是  
書原同帝範之覆吳兢采輯質文備梁肅鋟行勸戒詳  
幾度披芸欽古鑑寧徒玩紙墨精良

西直門外

詰旦乘涼返御園  
筍輿迤邐出城門  
曉雲聚散渾無定  
昨霽消停未足言  
也覺青郊增潤溽  
仍希白雨落頻繁  
明知數日聊堪待  
却以延期心越煩

喜雨

五月  
望日

晚雲復數翫  
夕雨遂滂沱  
歷以三時久  
潤將五寸多  
起  
姜擬甘露蘇  
渴瀉銀河如此承

天貺自脩當若何



題文源閣

因輯四庫全書預構閣為度貯之所其式一倣浙  
江范氏之天一閣閣凡三在大內者曰文淵在避  
暑山莊者曰文津茲在御園者曰文源既藏工賦  
詩以落之其詳見於閣記

四庫蒐羅書浩繁構成層閣待諸園伋言凡事豫則立  
謝賦沿波討以源泉寫細渠落沼渚林依曲逕護庭門  
寧圖美景增遊賞見道因文箇裏存

玲峯歌

將謂湖石洞庭產孰知北地多無限萬鍾異石大房山

有奇必偶斯為伴天地生物弗拘墟龍井吳山率常見

叶 二處亦多玲瓏怪石豈皆取自太湖耶 米未能致今致之青芝岫屏湖

喬館

米石棄良鄉縣多年因運至於昆明湖之樂壽堂名之曰青芝岫向有詩

彼勞奇文徒

問答

米萬鍾既得異石於大房山東牕藏書以告甬東薛岡見之復代石報米書二書當時傳誦以為韻事

詳見春明夢餘錄

物遇其時當自顯茲峯有過無不及名曰玲

寶稱豈非伊家顛叟上皇山亦既艷稱百夫輦致此用

力雖倍蓰賁來寧費修書東略發內帑給雇值肯教張  
去聲事恣朱劬大孔小穴盡靈透凸突凹窳仍嘖嘖春風

秋月幾閱歷海水桑田任遷轉故土邙憶埋黃沙素質

奚礙皺蒼蘚一峯峙我文源閣育秀通書映萬卷萬卷

微實難更僕特宜黃石覲面展又如逸興到棲霞

樓霞有玲

峯也日面月面應誰辨每來汲古遺幾餘詎同二米為高

簡欣於斯即慙於斯悅日怡情究非善

題鄒一桂花卉小冊

柳

元稹詩中消息猜同心放眼祇應梅綠絲竿看垂垂者  
釣得春光幾許來

桃

灼灼天天一兩枝韶春羣卉占先期淑而貞也非妖艷  
故合風人首咏之

垂絲海棠

柔絲嫋嫋綴紅珠名著唐宮信有乎正是溫泉新浴出

嬌無力待侍兒扶

金雀

不飛而雀色為金宜上盤鴝鵒寶簪老杜一生憂苦慣  
鬢脣鉤葉也拈吟

石竹

牆頭砌角幾叢斜也傍孤山處士家淇澳風華原不遠  
故應別號洛陽花

剪春羅

春夏秋羅都得剪輕羅獨不剪於冬識時先占韶光美  
合製宮袍拂露濃

茉莉

女夷應是喜清白花色香惟白者多何必尋文稱抹麗  
見羣芳譜香寧如麗較如何

夜來香

晚風庭院迤清芬睡鴨還當罷夕薰欲識夜來副名處  
可知本是喚靈芸

卮子

辦分六出蕊攢黃豈必耆闍始故鄉最是曉暉凝揭露  
玉卮擎處泛濃香

石榴

水華草卉夏爭芳桃李杏梨花早藏木本漫嫌都寂寞  
石榴留得好春光

翠雀

小飛枝上態翩翩鳥譜移來芳譜便雀以南而花以北

女夷酌劉有神權

秋海棠

當春且止到秋榮此意居然所尚清  
瓶史分明善品第  
侍兒家是鄭康成

野菊

權輿祇記有黃華紫繖紅毬流漸差  
野菊却能留本色  
東籬翻勝屬陶家

藍菊



貌雖廁菊色非羣嗅氣還疑鮮淨芬寄語盈檐為采者  
是花是草尚須分

紅梅

卉中頭踏領春風品格孤高畫豈工和靖先生却小訝  
訝他萼瓣帶微紅

蠟梅

卮蠟其言蠟豈常柳文鞭賈漫評詳却因題冊尋名氏  
展閱重聞撲鼻香

西直門外作

夜雨快晴曉爽侵還宮又復值齋臨改觀農務祝登玉  
應節義文凜柅金如砥石衢行處慣似油綠野望中深

倚虹

堂名在高梁橋向屢有詩

小憩傳朝膳正值軍營報喜音

阿桂等奏

官兵攻克噶爾丹寺及噶朗噶等碉寨竭三日四夜之力攻獲寨落一百十餘處戰殞三十餘座寨房二千餘間其地距勤烏圓不過數里

詠和闐玉雷紋豆

商家以玉豆周代有雷紋用琢和闐質如歌小雅文五

三養老度乘稷薦神芬於事不師古曾聞匪說聞

王蒙松林高逸圖

卜築巖阿好溪山愜志清有松堪作友無物可縈情  
益色連峯色濤聲答瀑聲隔林來策杖疑是訪逢萌

題飲鹿硯

端溪巖石種尚有礦金存體具剏柔質光涵雷電翻神  
龍誰割霧玉免昔朝元琢作飲泉鹿天池即此源

日日

日日有陣雨非過非不及無礙麥之收益增桑之浥  
壯郊值齋居朵殿爽風習幾閒閱四庫開篇益可挹惡  
者吾戒鑒善者吾慕襲永晝用以消遙古於焉汲隄思  
鴻捷近紅旗盼乃急

夏至日

壯郊禮成述事

大祀重躬承頻年

厚祉膺沐

恩恒切切執禮益兢兢聲振叶金石馨香薦豆登吉辰

三值未

今年歲在乙未五月為丁未朔祭日入值辛未

滋味祝三登

恭奉

皇太后幸避暑山莊是日啟程即事成什

年年避暑奉

慈闈

慈諭欽承弗敢違土厚氣清宜

夏清千秋萬載扈

音嶽前行

後宿依恒例昔往今來驗道機  
夜雨朝晴便平聲跋馬習  
勞即是勅惟幾

過清河

策馬東門例踵前據鞍調適喜  
依然麥秋逮半黍禾蔚  
體驗田功勝昨年

高架石橋橫卧波東流灑水賴  
清河殺其泛濫資灌注  
籌畫功夫費幾多

橋北尖營向南縮

凡停蹕處支武帳俗謂之尖營縮地向南圓近橋也

至茲易馬

遂乘輿雖因行路翻書便

乘輿仍可開書策馬則不便也

筋力較前愧

弗如

雨中過懷柔縣

過日雖時作陣雨有霑足處有尚欠心期優偏始為佳

今夜五更霽霖濫曉起乘車就潦塗更履行旅漸車厭

復為

去聲

迤南慰渥澤

過日每傍晚必有陣雨各處均霑惟畿南一帶分寸尚欠今日自丑

初起霽雨滂沱至曉始畧止恐潦阻橋道或滯行程然雨勢自西南而來其方必更霑渥迤南等郡縣此次冀

得優需  
為慰耳

益嗤方寸無定念雖然此皆目前近遂續軍營

怒思無賊巢已迫指日克阻因札達堪憤憾

明亮等昨  
奏正在派

兵分道進攻因連日大雨不止稍阻軍行此必賊者札  
達所致實堪切齒然邪不勝正此等邪法豈能經久官  
軍雷轟霆擊之威賊必望  
而氣阻克捷應在指顧矣

何當兩處都快晴掃却癡雲

却愁擔

喜晴

雲氣四出飲天光萬里晴已知滋渴壤更喜利行程僕  
役罷歎息柔禾資怒生



安輿應就道

柔縣

皇太后初頒駐湯山次日以冀安過此近年來定例

駐懷

也昨

慈駕至湯山因夜雨過大潦溢經途仍於湯

山行宮

侍蹕

隨令莊親王永瑞等率虎鎗侍衛前

往督同司道等經理橋道祇奉

喜天氣晴霽梁成目當迅速即日想可就道矣

聖母安行茲

迴望

切歡情

### 過九松山

偶過蕪野憶樓霞

樓霞山亦有九株松南巡時屢留題

為蓋為龍兩不差

南北未知誰伯仲要皆舉數以名誇

攝山曾擬會昌老

丁丑樓霞詠九株松有九老居然會會昌之句

此九株何喻

闕子便即相同纔二九較諸勝典未能如

前因

聖

曾集文武及致仕為九老三班  
系以圖詠 八旬萬壽亦然

### 遥亭行宮晚坐

漸覺山光撲面青路傍行館便居停已開襟卉香籠砌  
新種清槐陰滿庭隨地勅幾敢偷暇逐程觀稼不遑寧

北來小雨晴猶快感謝靈祠果有靈

昨雨中過白河神  
祠祈晴過午即放

晴河流亦順軌  
真感 靈佑云

### 曉行

山出內雲語不誣枚乘今日可徵夫紅鉏纔上東峯有

白絮都歸北嶺無萬里高空敝霧霧一條黃陌淨泥塗

畿南山際應霑矣

京城至口外雨已霑足而廿五六等日雨勢俱自西南而來畿南各郡縣

自應普被今尚未據奏報深為屢念

處處康功總切吾

出古北口作

秦築長城土色紫因名紫塞至今貽

見崔豹古今註

殘垣剩堵

依然見冠嶺梯巖那構思興者不知作者苦前人徒遺

去聲後人嗤塞邊使不侵中國邊境而今豈謂斯

口外

口外山田例倍佳低岡高嶺繡鋪皆麥將報熟黃龍穗

禾正怒生綠到茲不禁民遷聽謀食

口外隙地甚多直隸山東山西人民

出口耕種謀食者歲以為常方今中外一家口外仍係內地小民出入原所不禁一轉移間而曠土將民兼得其利實為從古所未有邨虞甌脫致推理霽天如洗無纖翳縱目

鳴鞭信慰懷

直隸總督周元理奏報保定一帶得雨詩以誌慰

尾蹕方從古北迴保陽接報奏章來

周元理於古北口送駕後歸途連接

保定府宋英王稟報廿六日省城得雨四寸廿七日自  
已至西鎮得雨五寸八土霑足附省各州縣所報相同  
節據馳奏為之欣慰連朝四寸五寸矣遍野既霑既足哉已定麥

秋非嗇歉益欣禾夏得滋培誰知前此望晴處移澤畿

南兩合媒

廿六日駐石槽夜雨滂沛廿七日孟於野晴  
過午即開霽而彼時畿南望澤甚切今適於

是日樂得優霑晴雨一轉  
移間彼此實各遂其欲矣

將軍阿桂奏報攻克遜克爾宗詩以誌事

遜克爾宗賊要害攻之數月未能克

遜克爾宗為勒烏  
圖賊巢外腹自昨

歲四月間阿桂即擬往  
攻至六月中尚未能克繞隙因據默格爾反出其後期

必得

阿桂因避克爾宗久攻未下探得日爾八當噶之下榮噶爾博之上其間有默格爾山梁若能襲取

則進攻勒烏圍既為得勢而凱立業日爾八當噶之賊皆在我後遂派海蘭察等繞道前往搶佔默格爾山梁並攻壓密拉噶拉木大寨及其旁碉卡又克獲凱立業各寨此上年十月中事也

我後彼彼亦

後我故悉力守聚羣賊康薩工噶雖屢勦

自攻克默格爾山梁阿桂

在彼頓兵兩月餘賊於康薩爾山梁添碉力拒今年正月申阿桂派兵三隊克其三碉并將其下碉卡盡行攻取賊人因距巢愈近益竭力死守阿桂復於彼頓兵三月而木思工噶克了口尤為賊境咽喉然必須與得武替同日並攻賊始不能抽掣堵禦因於四月中旬乘積雪消霽與明亮訂期會勦遂派兵將了口碉卡悉行攻佔隔河望見明亮官兵亦從薩克薩谷而下直至河沿其日旁等賊寨俱已不戰而逃矣

乃擠死拒

礮中匿噶爾丹廟既已獲勒圍巢穴近咫尺

五月初官兵攻克噶

爾丹寺及噶朗噶距勒烏圍僅數里

置此於後終非計分兵首尾俾受敵

偏伍彌縫未可施仰攀側越手為翼冒霧突衝進了口

火攻短兵各盡力或斫寨門或越牆賊不能支遂奔北

木城石礮獲數十

官兵自得噶爾丹寺並擒佔舍圍枉卡業已居高得勢因思留遜克爾宗

於後非計但其下了口山勢陡削賊人木城石礮互為聯絡必須從上下壓方為得力隨於五月十二派總兵成德超擊普吉保分兵前往時霧氣四塞豐昇顯察視機宜未便再為遲待遂令官兵用礮轟擊使賊人不疑我兵進攻而成德普吉保等即乘雨霧攀越崖礮潛至礮根盡將了口上下石礮木城悉行攻克復進克其下

二大礮阿桂以避克爾宗在榮噶爾博山陽第七峯之後恐賊人尚可沿溝來往後路未絕隨派副將曹順領兵循榮噶爾博山陽而下放鎗縱火與豐昇額相犄角豐昇額因思官兵將火合圍避克爾宗賊必竄逸應及早攻撲庶可多殲賊衆遂派兵三路與之合力並進或所寨門而入或梯牆躍進賊礮奮勇擊殺羣賊力不能支悉於牆穴遁去官兵追殲殲甚多計克石寨六石礮十二平房七遂擬兵由直古腦下壓至勒烏圍矣

一歲之功成項刻是役固藉衆鼓勇副將軍實豐昇額

錫名繼勇繼乃祖

自上年四月攻勦避克爾宗以來至今始攻得經久相持成功頃刻深用

欣慰在事將佐雖計勇往出力而身先士卒調度合宜則副將軍豐昇額之力居多豐昇額所襲之公乃其高祖額宜都世爵額宜都本係巴圖魯公因於其公號果毅之下增繼勇二字以獎其能紹乃祖勇略且慶國家



之得世臣  
宣力也  
國之蓋臣綿世德

雨中至喀喇河屯

夜霰垂簷曉發旌  
漸車無礙就山程  
農夫襁褓欣方渥  
僕役泥塗盼亟晴  
近失峯容雲角豎  
微侵涼氣雨絲橫

藩王路左紛來接  
惜爾霑衣命賞行

蒙古王公等遠來  
迎駕雨濕行衣因

命分賞羽絃瓊呢  
黃褂以示體恤

喜晴

西北捲雲幕

自西北雲散露天蒙古語謂之哈牙噶爾  
齊哈牙者幕也噶爾齊者出也捲也甚合

此語

碧天放午晴山呈本面目人趁好途程日晃煙郊濶

風輕夏爽生潮河不致漲

鳳駕想安行

今日之雨路雖泥濘而勢極廉纖且晴霽甚速河水不致增長計程緩損

皇太

后明日當出口渡潮河自無虞河漲阻滯但雨後橋道或未能盡安心切馳念因命莊親王永璠率侍衛等馳往南天門恭迎

### 虬蓋亭

紅日高遮夏亦寒灤江座下俯雄瀾頗同弘景青霞挹

不作嗣宗白眼看

至避暑山莊即事得句

仁皇避暑此卷阿恭奉

慈輿歲一過適以明禋舉

方澤遂教啟蹕秩南訛仙莊夏景迎吟馬畫嶂晴光濯  
黛螺五十餘年憶

恩顧昨朝今日不爭多

永佑寺瞻禮

繼繩何處不欽思

知遇偏深此地悲四十年哉

以卽位言之

有成愧六旬歲矣

故吾嗤雖云旰食還宵衣

去聲

未致民安與物熙永佑卽

今祈

佑者軍營早晚遞紅旗

### 寫心精舍

精舍永佑寺之傍寺之為言義可祥詎止祇園脩象教  
試看大理與太常古人定名原有以久假不歸屬緇黃  
祈祐在此豈在彼紹庭陟降思時覆我欲寫心弗忍寫

中心藏之何日忘

碧峯寺

碧峯實乃肖祇園點綴園姿畫意存亦弗著僧守門戶  
常看有鹿到庭軒雲開色濯山容翠雨過聲添澗響爰  
即色即聲誰所設不知何以悟三幡

味甘書屋

几淨甌香早瀹煎頓消諸慮祇如然譬人飲水知冷暖  
甘否由來豈在泉

叢碧樓

山樓八窗敞山峯四鄰  
納葉態與枝姿一碧萬叢合然  
疑岳陽記奚必煙波挹縱目擬雲鋪披襟喜風颯據座  
略生慙斯豈陳蕃榻

西峪

西峪窈而深來必先至此其下乃西溝山路俯迤邐適  
纔之所經後馱過行李碧峯門在茲進茲近五里曷弗  
從是入麗正門名當陽啟行賁不由徑何處外斯理肩輿

金川口人卷三十  
茲尋勝乃益窮宛委亦堪悟為文膚淺無一是

秀起堂

四鄰圍秀中岡起適有書堂構於此興來頗覺路幽深  
床據乃欣山在底青紫邏指顧間縱目其表徹其裏  
是理窟乎是文津我亦油然叅厥旨

振藻樓

拾級高樓萬景披亦清真也亦雄奇於斯祇合攔吟筆  
富媼方當振藻時

經畬書屋

三間樸屋倚嶙峋願以經畬亦有因如罪層巒研田界  
欲斷垂瀑墨池津韋家不羨滿籬富徐氏無慙負耒貧  
四庫而今經檢勘斯文知在讀書人

題文津閣

度四庫全書之閣凡三文淵文源而外山莊之文  
津其權輿也閣始於乾隆甲午秋月越次年乙未  
夏月歲功適駐蹕於此賦詩落成若夫溯源必先



於知津與夫倣式浙江范氏之天一閣則記已詳言之茲不贅

四庫書成將弃之范家天一倣而為基營去歲纔擇向鼎落今朝弗滯時子晉漫誇祕書建長沮徒議孰與知名山藏實無過此却待他年枕蓀茲

趣亭

天一閣前原有池池南更列假山峙文津之閣率倣為故亦疊石成嶁嶁有峯有壑有溪澗澗水琴音瀉池泚

東則月臺西西山又如寶晉齋傳米山亭因以趣為名  
林泉引興誠佳矣貯書四庫其趣多饜飫優游意在此

月臺

文源之閣

在圓明園其前時  
玲峯而為之歌

有玲峯八十一穴勝米老

此文津雖偶闕其假山石態却蒼好西山況復是真山  
真假因緣相值巧米家范氏

謂范慈柱  
家天一閣

兩漁竒而更御

園所欠少最愛鍾峯倚玉鏡登臺欣每得於早上下千  
古橫八方羸彼希逸資探討

陣雨

六月初四日

西北忽雲生涼風催以行繞聞雷鼓響倏至雨盆傾白

霍未逾刻碧霄即放晴石梁應弗凜

皇太后綏損  
安行計程今日應

過青石梁此雨纔落即止無論相隔百餘里陰晴未  
必相同縱或似此雨過旋晴亦不致山程泥濘也

鳳駕好登程

曉涼

陣雨欣晚霽峭風生曉涼渾忘夏時節欲換袷衣裳問  
景遲遊豫翻書資就將如詢切已處無逸已言詳



御製詩四集卷三十

欽定四庫全書

集部

御製詩四集卷三十一至三

編修臣初喬齡覆校

總校官編修臣程嘉謨

欽定四庫全書

御製詩四集卷三十一

古今體一百三十五首

未七

題袁燮絜齋集六韻

學為君子儒體用亦相符性悟雖宗陸身名未異朱

變師

事陸九淵得其指授具有原本又少以名節自期立朝  
屢進謙言所至政績皆可紀在南宋諸儒中可謂學有

體用者具詳

邊情言頗悉民務政多殊

集中劉子幾及  
三十首其料敵

宋史本傳

論邊深得要領而陳民務述治要亦切實可見施行向  
惟散見求樂大典中今為哀輯得二十四卷雖未必能

欽定四庫全書

御製詩四集

金史卷三十一  
盡還原書之舊亦可存十之六七因命刊刻以廣流傳

大典昔割玉哀編今合珠

虛車祛藻繪實地有功夫傳世固在此詩文餘事乎

### 李嵩荷亭消夏圖

溪亭長夏聚同人出水荷花著雨新綠幕支庭輕障日  
紅欄近沼不生塵寧惟卉裏稱君子雅可筵前作好賓  
尚有抱琴來訪者石橋過處早知津

### 詠哥蜜盤子

色暗紋彰質未輕哥蜜因此得稱名雅如法護僧彌矣



生一居然畏後生

過河詣溥仁寺瞻禮

祇園底事定瞻禮為有

奎章楣栢懸六十餘年

勇厚澤百千禩世

示秉乾能仁仁亦謂斯耳曰溥溥誰得並焉烟火萬家

民樂利

萬家烟火隨民便山莊中  
皇祖御書聯句也

山莊小試已如然

山莊即事

沿革興州難考尋山莊肯

構疊予心嵐來氣挾蹄林遠漲落波奔滄海深較雨量  
晴每驚目探奇攬勝亦開襟繼繩敢謂庶無忝惟是常  
瞻

聖日臨

題寫照哨鹿圖

此圖乃辛酉年初韋水蘭哨鹿命郎世寧所為者  
彼時扈從諸臣年長於予者如來保輩頗多少於

予者如傳恒輩共十有二人今皆不見憮然有懷  
因成是什云十人者舉成數也

哨鹿曾教寫照為危行原有十人隨却看介爾惟存我  
底事翻然都逝其視昔由今語已信何真非幻義堪思  
似乎否也證臨鏡骨格依前鬢有絲

詠和闐玉鏤平山堂圖

第一古山堂名因郡守芳南巡曾屢到春景得吟償琢  
璞形全似傾葵憶不忘其人如玉者祇合屬歐陽

題錢維城山水

永池迴雁

南湘水暖北燕水迴雁依然宿碧凌却不禁寒便飛去  
新花枝底見何曾

秧疇分綠

溶溶春水滿池塘浸種分疇始茁秧此際農人閒片刻  
時臨舉趾日將忙

層巒疊嶂

縝紛環抱聳嶙峋塞外山惟天與鄰得自侍臣親眼見  
寫來水乳倍精神

柳岸歸漁

柳陰水閣俯滄浪高軸筠簾好納涼遠浦漁舟籃載返  
細鱗巨口供去聲新嘗

山樓對瀑

雖有山樓非背開前川振鷺若飛來寒山疑似聽雪閣  
颯沓聲中射眼皚

雲溪晚渡

是為問水是尋山一棹扁舟夕照間  
本意由來取閒適  
趣歸轉覺未能閒

水村清夏

一帶碧溪抱塢斜  
竹籬茅舍野人家  
是誰長夏消清供  
彷彿村名號浣花

林亭清曠

綠叢林下多嘉蔭  
亭子其間涼可招  
寂是山莊一例景

鹿蹤印處不曾描

梧庭涼月

東壁寒光泚泚如碧梧落矣影微疎高人何處閒遊行  
留得空庭月入虛

蘆塘澄爽

延爽溪軒清且嘉涼風水面拂蒹葭欲知氣候相殊處  
七月蒼蒼已作花

秋塍黃茂

村居綠竹護丹楓  
膝近香翻擺極風  
此處異他惟秣來  
山田一律驗農功

卷幔看雲

濛濛底事濕衣衫  
卷幔緣來雲出巖  
原是山莊恒有者  
一經拈得便非凡

題文園獅子林十六景

獅子林

文園何以稱臺沼  
緬



文憑雖是新建置原因舊拓增埭花吐芬郁峯石疊峻  
增傳說環紆勢倪迂指點曾

虹橋

圓洞卧波上遙看一月如若論全體現半實半猶虛

假山

山莊之內多真山而何堆石肖其假求真不足假奚為  
徒以涉園有此也引逕若髮殊鬱紆闕縫似斧復甜間  
散步其間論名實每以非真面微赭尋思自解曰無妨

金野史卷三十一  
此是懶瓚教我者

納景堂

虛堂不設窻櫺便因納景滿庭朝暮雲容水態春秋草  
秀花馨自是四時無盡我惟數月來停詎祇悅供目覩  
真教靜契性靈

清閼閣

水木清華清絕塵古今閼弄閼誰真試看傳者倪家景  
已屬逮乎黃氏津妙理靜機都遠俗詩情盡趣總怡神

高峯僧帽面前峙何異當年因上人

見倪瓚獅子林圖自識語

藤架

支架隨橋曲復斜育根延蔓綠交加已欣長

上聲

處密生

葉莫訝來時都謝花

藤花開于暮春首夏每過夏至始來駐蹕故不見也

磴道

磴以曲致佳道實近若遠因思求道人不如斯蓋鮮而我步其間絜矩勵返本

占峯亭

亭占一峯巔一峯俯足底遊目望四鄰萬峯納于裏奇  
遇問所欣在彼不在此忘已物備我可以悟至理

清淑齋

花木淑景山水清音嵐靄朝夕天地古今不同不殊有  
壬有林造物無言會者隨心而齋受之以虛為斟

小香幢

豎峯一朵似香幢調御端居朗慧缸徒以肖倪為綴景  
幾層因此覓心降

探真書屋

書屋構文園探真事可論所思切乎已時復發於言不

著人驚句

此語反杜  
甫詩意

惟疎茅塞源心傳即是法總覺未

窺籓

延景樓

石林雲磴極叢攢中有層樓俯迴寬南秀北雄此兼得

躍魚濯鹿豈無端漫咎

平聲

燕塞重儘見雅喜倪黃合作

看

獅林為倪迂初始而今屬蘇門黃氏為涉  
園又畫家有倪黃合作之語假藉用之

發帑固逾

十家產

凡有經營皆發內帑和雇然較之十家產則已過矣

因之漢史每慚觀

畫舫

可讀書還可閱畫烟波載月那須賒試詢數典於何得  
不是歐家定米家

雲林石室

林態既蓊蔚石勢復容裔披林入石逕都有雲之意坐  
室衣裳潤不知其來際

橫碧軒

湖裔得平坦虛軒架幾楹水山呈動靜上下印空明北  
塞無雙處西峯一帶橫氣佳供日夕陶句味精評

水門

水門來往可通舟有暇還因作卧遊却笑武陵誇秘境  
能無花片付溪流

文園四詠

石

南方石玲瓏北方石雄壯玲瓏類巧士雄壯似強將風

氣使之然人自擇所向

松

涉園松參天

吳中獅子林今屬黃氏為涉園

文園松齊肩境新斯植穉

而亦森蒼然右招西嶺者老逾彼千年

鹿

野鹿如牛羊日夕每下來溪邊及巖畔可與共徘徊此

地之所長江南何有哉

謂涉園

鶴



吳中曾一見綴景置雕籠豈如縱以飛來往鞠烟空質  
之倪高士首肯應我從

山東巡撫楊景素奏報得雨詩以誌事

豈不頻頻稱得雨今番乃報透霑膏

楊景素奏山東省城于五月廿七

日子時甘霖大沛至卯方止入土已極深透而二十一  
二等日各屬已有具報得雨深透及霑足者間有僅得  
小雨之五六處二十七日雲氣濃遠自必一律溼霑現  
在早禾暢發晚穀豆黍亦及時構種汶泗二河並長水  
六尺餘分注南北頗為暢旺糧艘過行無阻

所欣各屬優渥遍冀卜秋成豐

稔叨土潤晚田可興耒水增長漕利行艘比邦去歲經

兵燹民幸蘇紓午夜勞

河南巡撫徐績奏報得雨詩以誌慰

齊東雨即憶河南遲日奏章達驛驂前後數朝因大沛

近遙各屬想均覃

昨楊景素奏報東省得雨即念及豫省曾否均霑今日徐績奏河南省城

二十五日戌時起大雨霽需至二十六日寅時現尚濛濛未止而雲氣濃鬱雨勢必廣晚秋可一律種完早禾

益加茂盛

九分夏麥穫已定一律秋禾種以堪詎止尋常茲

避暑民艱何處不籌探

詠定蜜鳧蓮盤

定州今弗治宋代器猶遺火色馬君退灰心莊叟知陳

風有蒲間

去聲

大雅在涇嬉斐若暗花蔚東坡蓋謂斯

東坡

詩定州花瓷琢紅玉今定窑絕無紅色者故俗謂之粉定而暗花者多則亦合花瓷之稱矣

### 題和闐玉召夫鼎

和闐貢玉來雖夥博厚尺盈亦致艱材擬召夫今作鼎  
祥非王母昔貽環亞形還與摹銘款鼉彩寧當視等閒  
事不古師說聞匪慙因賞並把吟間

山西巡撫巴延三奏報得雨詩以誌慰

北省春膏率已被夏初逢澤總嫌微仲之望後方霑霈

黍與禾都慶沃肥

已延三奏太原等各府州屬及口外各廳均于五月十一至十七等日各

得雨二三寸至七八寸不等一切秋禾雜糧類皆暢茂改觀可卜秋成大有

可冀秋成萬寶

祝猶長夏令一心祈奏囊擘視能無慰更勗勿驕敬莫違

出麗正門恭迎

皇太后至避暑山莊喜而成什

啟程翼曉雨淋漓

駐蹕湯泉待約堵

每歲莊計十一日

慈駕自啟鑾至今年初頭

駐湯山莅山

因夜雨稍大漲潦侵橋隨令莊親王永瑞率虎鎗侍衛前往督同司道促治輿梁翼日而得聖母在湯山

僅信宿即就道安行是以較向年臨駐熱河之期止多一日 十日縈思一日喜

八旬聖母六旬兒似茲遊豫誠希也祇有

康強永祝之不可不知

孔子訓我惟知不忍言知

殊像寺落成瞻禮即事成什

有序

五臺山為文殊師利道場梵語謂之曼殊師利山

麓有寺曰殊像傳是文殊示現處妙相端嚴瞻仰  
生敬辛巳春奉

聖母幸五臺祝

釐辦香頂禮默識其像以歸既歸摹勒諸石遂乃構寺  
香山肖碑模而像設之顏曰寶相茲於山莊普陀  
宗乘廟西營構蘭若莊校金容一如香山之制而  
堂殿樓閣略倣臺山亦名以殊像從其朔也夫佛  
法無分別見清涼五峯固文殊初地香山塞山非

彼非此矧以竺乾視之固同為震旦中菩薩示現之境乎是則闡宗風延

曼壽功德利益又皆一合相之推廣平等者也工始於

乾隆甲午夏逾年落成以詩代頌並誌緣起如右

殊像全規臺廟模撰辰慶落禮曼殊

曼殊師利梵懺讀作平聲其音近滿

珠故西藏達賴喇嘛等偕丹書偕稱曼殊師利大皇帝今俗訛滿珠為滿洲非也

金經蒙古猶

常有寶帙皇朝可獨無

佛經本出厄訥特詞克是為梵帙一譯而為唐古特之番再譯

而為震旦之漢其蒙古經則康熙及乾隆年陸續譯成者朕以當我朝全盛之時不可無國書之佛經因命開

館譯定

譯以國書宣白業習之修士翊浮圖

是寺之喇嘛皆令習清字

經即闡曼殊師利之義

雖然名實期相稱

去聲

師利應嗤謂是乎

### 香林室

室築花宮側檀林擁淨香寂宜引呼吸可以悟真常庭樹有嘉蔭砌葩無俗芳如云皆是藥識者大醫王

### 倚雲樓

寺傍隙地一區分倚巘為樓亦可欣虛牖却無來去相客容常挹德山雲



廣安寺

北山一帶佛宮羅居選番僧演梵那殊像西鄰原不遠  
良辰餘暇遂相過誰云

慈壽祝無量也覺莊嚴漸已多設以廣安喻治理儒宗  
釋典豈殊科

羅漢堂

五百應真此休夏筵列坐貌堂堂杯從何處同鷗渡  
錫駐於斯聚雁行一切有為法皆幻六如無著偈猶詳

佛居淨土居塵世度世婆心正未央

遊獅子園

邱園乘暇一遊巡山色波光若相入聲親說法門前舊獅

子種松戶外老龍鱗長上聲年偏憶少年事今日原同昔

日人書室設還刮目待愧哉語著阿蒙真

樂山書院

階前淶溪繞窻外好山羅書院歷年古幾間此日過樂  
思仁者靜修擬石之磨不必縹緲展幽研資益多

草房

雖非土階屨步登誅茅自昔草房稱漫疑點綴增巖景  
哀伯還云清廟曾

護雲莊有會

名山能出雲雲出仍護山莊塢倚山構護雲莊則然譬  
之君愛民民亦親君焉相資相得彰是理本易詮彼其  
秦越視如浮雲蔽天有會因成謠此謠非等閒

松柏堂

獅子園來此必來聞詩聞禮望悠哉階前松柏森森老  
同我髫年培植材

妙高堂

園內寂高處諸峯莫與齊直臨半空白俯暢一川低  
氣堪平吸浮邱可右携是宜諸慮淨憶

舊每懷兮

題宜照齋

石城跋馬進咫尺巘齊披於此每言憩欣其足啟思樹

深陰滿院卉野露灑墀萬事都宜照民艱照更宜

就松室

百年古松不可移三間今室易為置盤盤翠蓋蔭屋檐  
泠泠謖濤滌塵氣拂席偶坐消小年底須梅竹堪佳憩  
松弗就人人就松因之更悟招賢意

却炎榭口號

松陰楓籟颯然清不脫衣衫峭爽生到此翻無炎可却  
弗循名乃善循名

屬霄樓

樓無百尺高山有千尋卓置樓于山巔恢恢橫碧落屬  
霄因以名詎緣椽桷怡情迴超凡縱目適暢樂別有  
會心處君子慎所託

題含青齋

肩輿欲言歸有暇風日美過谷即巖齋便可一憩止含  
青真含青四面翠如洗雖云混松柏亦弗艷桃李佳哉  
出藍觀如遇倬雲士

松霞室

幽室開窗正對松  
千年那得問前踪  
芸篇中却識其事  
恰似子房舊地逢

雨

六月初九日

昨近日日有陣雨  
片刻即晴非普霑  
今朝自卯至卓午  
疾灑徐霏綿布獲  
岡田阪稼遍霑濡  
又非驟霖豁漲怒  
後到行李如歸家  
於穡於旅兩欣遇  
雖然適可即當止  
是我籌農無足處

晴

雨自西南來仍自西南霽寥廓露天光荏苒散雲翳夕陽照高樹晶晶萬葉翠五字憶浣花亦佳誠愜意

題影宋鈔吳仁傑離騷草木疏

疏傳草木異劉

查

王

逸

特重離騷廿五章豈為春園問

桃李獨存古道弔沅湘辨精魚魯篇篇核義寓興觀字字芳雖是羅田版亡矣步兵從可識中郎

周用鋤經圖



耕讀家風貌宛然置鋤微憩手持篇嗟哉貧士陶潛詠  
能不心憐事研田

詠玉椀

崑岡孕瑞產精瑜歲以為常貢外區作器真看凝素液  
宜人惟是發華腴撫辰用惕民猶水取象宛呈震仰盂  
大白從來凜戒旨賜茶廣殿乃時須

山行

雨歇夏山清山行聊問景天邊雲徂輕林下風來冷土

濕鹿跡留塞迴鶴聲警去去總契神步步若移境豈不  
歲常來所遇欣新領

濬溪

沙溪帶山邊山雨溪水漲漲退沙必留疏濬例已向設  
使弗疏濬沙滿溪斯漾園丁久慣經鑿鉤相拊擋劬劬  
所不辭酌賜聊頌貺繫余更思之黃河沙益壯夫誰為  
疏濬自古原無恙小大容受殊所以貴有量

興

雲散碧天晴風來西北爽得暑霍然無氣清皎日朗山

莊之所獨生衣凉切斲

斲衣從毛冬月宜之惟清異錄載臨川上饒之民以新智剏作

醒骨紗用繞綠蕉骨相兼樞織夏月衣之輕凉適體號大清斲則又于斲字廣異聞也

香山云心

靜何曾有此想

### 題葉向高綸扉奏草

三朝元老贊黃扉禮貌猶存策畫違持正已憐成末弩

鋤奸終是昧先幾

向高為當時正人頗負重望及再入內閣值逆閣結黨弄權時事日非竟

不能有所彈劾惟事委曲調停乞休之疏六十餘上終亦得請利方為圖不能免責賢之備云行危言

遜時無奈不佞而賢責有歸獨恨昏庸是天啟坐令宗  
社式淪微

題金廷標負擔圖

負擔歸來獨叩門家人秉燭啟黃昏較諸貧見棄翁子  
相敬高風有足論

靜寄山房二詠

月色江聲為避暑山莊三十六景之一其中堂扁  
曰靜寄山房

皇祖御書也敬成二律以志景仰

纔見錘峯側忽升璇宇空萬方含一照卅景與俱融

十三

六景舉成數也

塞樹標丹綠野花紛紫紅色皆有所藉月固不

居功露共

堯年灑魄懷謝賦沖千江歸至靜那論印來同

右月色六韻

何水非江也江聲到處流西岷寧地限武列有川悠觸  
石響隨作落灘韻未收五音足概耳六律可同不喻鑑

思唐語觀瀾娛

舜眸逝波去無寄無寄却長留

右江聲六韻

荷二首

一方在水早縈思旬日山莊始遇之花譜漫疑鮮伯仲  
清高原是出塵姿

凌波乍見試芳枝夏季纔開莫怨遲冷艷饒留八九月

山莊荷花至八九月尚存因塞湖內有溫泉  
之故而落遲開亦宜遲造物權衡應如是也  
權衡造物

本無私

題求恬居

巖居每歲所必來祇以無暇來遲耳亦因新建者先往  
厭故喜新弗免矣據牀屈指試一數上聲則到仙莊十日  
已夏山過雨爽頓生庭樹籠陰暑不起物象皆恬心自

恬

聖人先我示微旨

素尚齋

更拾丹梯上有齋素尚顏東西帶碧澗南北峙青山塵俗自應遠華囂不藉閑詎惟供性賞政教每因闕

肩輿至創得齋因而得句

永恬至創得已占途之半事半而功倍豈必中途返

叶

肩輿遵巖蹊宛轉形常換左溪右則山右岡左必澗峯

迴水流處率有板橋貫如是歷數橋

自永恬居至初得齋凡十橋

巖

齋前忽見一以憩僕役一以試筆硯峯態與林姿續情供几案然宜祛藻辭拂牋弗輕讚



耕讀家風貌宛然置鋤微憩手持篇嗟哉貧士陶潛詠  
能不心憐事研田

詠玉椀

崑岡孕瑞產精瑜歲以為常貢外區作器真看凝素液  
宜人惟是發華腴撫辰用惕民猶水取象宛呈震仰盂  
大白從來凜戒旨賜茶廣殿乃時須

山行

雨歇夏山清山行聊問景天邊雲徂輕林下風來冷土

濕鹿跡留塞迴鶴聲警去去總契神步步若移境豈不  
歲常來所遇欣新領

濬溪

沙溪帶山邊山雨溪水漲漲退沙必留疏濬例已向設  
使弗疏濬沙滿溪斯漾園丁久慣經鑿鉗相拊擋劬  
所不辭酌賜聊頌貺繫余更思之黃河沙益壯夫誰為  
疏濬自古原無恙小大容受殊所以貴有量

興

雲散碧天晴風來西北爽得暑霍然無氣清皎日朗山

莊之所獨生衣涼切斲

斲衣從毛冬月宜之惟清異錄載臨川上饒之民以新智剏作

醒骨紗用繞綠蕉骨相兼搥織夏月衣之輕涼適體號大清斲則又于斲字廣異聞也

香山云心

靜何曾有此想

### 題葉向高綸扉奏草

三朝元老贊黃扉禮貌猶存策畫違持正已憐成未弩

鋤奸終是昧先幾

向高為當時正人頗負重望及再入內閣值逆閣結黨弄權時事日非竟

不能有所彈劾惟事委曲調停乞休之疏六十餘上終亦得請利方為圖不能免責賢之備云

行危言

金史卷之八十一  
遜時無奈不佞而賢責有歸獨恨昏庸是天啟坐令宗  
社式淪微

題金廷標負擔圖

負擔歸來獨叩門家人秉燭啟黃昏較諸貧見棄翁子  
相敬高風有足論

靜寄山房二詠

月色江聲為避暑山莊三十六景之一其中堂扁  
曰靜寄山房

高燭懸霄半鏡懸星辰入影共清妍却繞塞水添疑慮  
淡蕩何來漾畫船

月峯

四圍多有奇峯豎一照由來總莫遺雅似銀瀛擎玉柱  
因思高以下為基

月樹

無論平林及山樾不分色相祇支撐米顛曾未至斯境  
糊突圖何太肖生

月荷

紅花爭暎晚霞明  
霞隱黃昏夜露晶  
少旋去聲葉花都不

辨隨船惟送暗香輕

月鹿

那見深林鎮避藏  
成羣崖岸任相羊  
誰能指此呼為馬

朗照高空有月光

月螢

葦叢初出故飛飛  
隨舫如為有意依  
寂是素娥善容物

任他碧宇放光微

月湖

三千世界鏡中鋪  
照乘十枚小  
笑彼魏王真嚇鼠  
蹄涔將以傲江湖

月隄

適興片時適可止  
言旋隄傍繫舟浮  
誰知夜塞無邊景  
都在月詞八首收

聞京師得雨誌喜

四百里雨同一日五六寸霑真是優

昨閤章至留京辦事王大臣及順天

府奏報初九日申刻又有雷雨一陣傍晚漸疎至初十日子刻間朗入土約有六寸此間亦于初九日得雨優渥畧同實為有秋之慶也更欣快霽非霖夏可共良農冀有秋期尚

遠哉其後樂民惟艱耳我先憂每瞻

聖藻光巖穴

昔日今時此豫遊

軍書

三處軍書一日來立時籌筆肯徘徊

阿桂明亮富德三路軍營奏摺俱于



十三日同時運到即為展閱批答並召見  
軍機大臣指示機宜立時傳諭畧無停晷  
扼其吭背守

自力聚彼鯨鯢攻易摧

阿桂分兵攻勦已占賊寨捨死

則力拒愈堅情理固當如是而我將士屢勝之餘勇氣  
百倍今乘勢深入不啻摧枯拉朽賊雖竭力支抵復何  
能為今阿桂擬於第八峯下添築木棚與第七峯丁口  
相連遙攻正面賊寨使賊人鎗石不能逮及又薄其所  
掘溝沿令溝內之賊無  
由施展即日可望捷奏  
絨布遙牽嚴斥堆  
富德駐兵絨  
布寨雖不能  
統兵直入而設卡密防使南路之賊不敢棄而  
他顧是此一軍之奔縱賊勢亦正不可少也  
勒圖夾  
擊迅風雷  
明亮已攻克賊人額爾替砌卡即日可下至  
平坡阿桂今擬派兵沿河從赤爾寨攻打隔  
河之沙爾尼一帶今明亮將至河沿兩岸夾擊  
大礮轟摧賊斷不能久拒佇可唾手而得耳  
獨因捷

近盼如遠日夜郵傳問幾迴

詠定薨娃娃枕

定州陶穴精總角已崢嶸閱古無火氣葆光有玉英伏  
猶曲四體醒自瞪去聲雙睛憐爾供人寐已恒寐不成

閱隄

深居我所厭引見待月例

通年五月即駐山莊因令五  
六七等月文武月選官每月

派吏兵兩部堂官一人帶至熱河引見俾速赴任行在  
既得一體掄材而各員亦不致久濡旅食家為兩便今  
歲啟鑾較遲五月月選官即令預期掣籤在京引見是  
以今年六月在山莊較每年更閒安逸素非所喜因策

馬關隄叶  
以遣暇

縱日有疇咨二三惟大吏策馬率侍臣隄工

出閱視叶

塞水本無定而亦無大害

叶

碎石與條石相

去聲

形各安置既以固城垣還因安市肆爾年恒輦晏未

嘗非小試河隄及海塘之二實大事每當夏秋臨南望  
頻縈思却終之善策補偏而救弊更要在得人其難得  
人寄

雨

六月十四日

夏雨何須十其期五亦佳膩雲低曉塞密霽落巖齋未

金匱要略卷三十一  
乘油然潤圖書靜以諧紅旗馳可礙未免素縈懷

六月望日作

曉雲已散碧霄寬快霽辰牌發

翟鑾歷禮蜂臺

八旬健仍

登雁塔九層端共欣

天意同人意私慶

慈安永壽安愛敬敢云天子孝心乎愛敬更增歡

恭奉

聖母命題樂壽堂

寢堂樂壽合為名應

詔拈題喜倍生養以萬方

樂無量

德因必得

壽為貞秋宵重閣溫而暖夏日深廊清以清歲歲恒茲

頤福履年年如是永徵誠

題旃檀林

風日今朝佳筍輿信所往溪邊泉落清樾下  
籟來爽棧道縱崎嶇亦可資綠上遙見旃檀林  
已自生淨想衆香之所粹無聞以為賞精舍臨  
諸天豁然而開朗調御祇堂堂應真各儀像聖  
賢所從殊儒釋豈有兩題壁去年辭陳迹瞻俯  
仰

天籟書屋

天籟顏書屋名因馮李彰豎峯及橫嶺緩范更  
癡黃九

夏青將綠三秋丹與蒼所收皆活畫那數項家藏

澹軒口號

天池雖小大如鏡徹底無風不作瀾  
寓義由來取其淡  
寧須江海較深寬

雲潤樓

緣廊進有屋拾級下為樓  
位置真稱巧餘閒適可遊  
生雲潤黻黼度籟與颺颺  
漫惜衣裳濕尋常易遇不

超然宇

結宇層明崇嶺巔宇超然意亦超然居高乃易卑視物  
戒在茲懷謙牧虔

松雲樓

山中多古松不辨何年種自是虞夏物老於右丞弄就  
此築為樓四鄰蒼雲控濤翻嘉蔭活簫奏謾音送塵心  
息以淨那更云入夢

詠旃檀林鳳尾松十韻

砌石為樓階有孔以尺計命種鳳尾松偶然供點綴移



根自別所徙植於茲地其生與弗生固屬難定事視之  
六七年日見森長遂鬱鬱放枝葉蔥蔥吐青翠高欲出  
樓檐粗欲彌孔際少當百春秋今人見弗逮然必有其  
時逮見夫何異聊識拱把姿乾隆乙未歲

山心精舍

陟降就畝平精舍仍山心菁蔥雖四圍隙處具俯臨假  
借以為名其義原可尋取象艮為山其德止則謀在止  
於至善正心聖經箴豈徒緣賞佳吾將勉自今

含粹齋

落斜坦平谷齋額

聖章懸至訓明垂後殷懷益仰

前不教私意雜乃得道心全親切無多子兩言曰體乾

霞標

降西復陟東待月向時同兩字

奎章迴萬年景仰中林端幾點艷天末一絲紅實境得

真景

文通造化工

晷畫窻

燭燭平川夕照斜  
開窻林巘納無遮  
將軍金碧倪黃韻  
所喜不名其一家

夜遊山月四首

過望冰輪遲上天  
登臺遼待例依前  
須臾東壁光生處  
一縷金絲拖嶺巔

絲矣而眉眉半壁  
忍為圓壁掛錘峯  
屈伸臂頃幻如是

陶惜馬能覓此宗

便教乘馬下崇椒屏却銀燈朗燭宵詎是艷誇北人慣  
箇中妙處習相調

高下都非塵世界林巒總是碧琉璃廣寒輪廓三千里  
策馬遊中却阿誰

熱

夏熱而冬寒天地自然理山莊雖勝境夫豈能違此而  
有所獨者早晚爽無比原田芄禾乘溽蒸長養恃熱亦

不可無炎歊今日熾叶然居嘉蔭下風來本涼美避暑

暑嫩而消夏夏長矣白傳圖心靜我則以書史

雨後喜晴

六月二十日

通日陣雨旋即晴既渥禾乘亦非潦今曉急霽歷一時  
再久為霖斯弗妙經事多乃益畏事憂先農父田功劬  
然彼無過盡其力變理惟予任感召以是願晴心特甚  
已脾雲散曦光曜額手稼穡幸無妨引領西望紅旗報  
題絜齋毛詩經筵講義

講義要當重切磋  
繫齋不事頌辭阿  
解經依註無為異  
取古誠今有足多  
雅頌諸篇惜已失  
風南數首出重羅  
黍離故國三致意  
其奈孱王弗聽何

詠和闐玉琢奏凱圖三絕句

琢玉誰為奏凱圖  
抑因昔也抑今乎  
謹言猶憶舒州句  
一將功成萬骨枯

興戎作孽彼自取  
黷武窮兵我弗為  
乃復頻逢鴻凱奏  
幸於斯更愧於斯

凱成玉隴因貢玉昔五年今亦五年地小於前事艱後  
西師之役拓地二萬餘里歲功不過五年其中並有兵  
不血刃而得者茲兩金川以內地土司負恩反噬且係  
彈丸微壤自征勦至今亦已五年而取碉奪隘將士皆  
勵勇宣勞始能攻克其用力幾數倍于西師而軍需所  
費亦較前愈倍今雖近賊巢  
紅旗尚未報捷益深懸望  
依然三捷望心懸

### 聞蟬

萬物憑生各趨時率因暄寒為早遲山莊今日始聞蟬  
南北氣候殊若斯詎惟氣候殊聲音亦異其北蟬聲雄  
粗且野南蟬聲細清以淒大抵氣稟分人性而衆生類

咸隨之蒙古遂謂綽爾齊

閩外蟬音較內地宏而直蒙古謂之綽爾齊綽爾齊者胡茄奏曲

人也以蟬聲相似故名之

曲項蘆管和

去聲

以吹有時頗叶韻高低然

而彼此兩不知豈非幕天席地中若人若物同蒙大造  
同熙怡小哉俞琰席上腐談獨舉昭君笑其渾不似而  
又訛為火不思

閒

閒豈非人願而我閒非慣詎故異於人心實有所憚一  
念敬怠閒吉凶乃由判山莊富佳境清涼暑弗扇小遊



偷暇可長夏耽逸慢因以閒為憂或鮮佚之患

策馬

策馬出山城侍衛皆隨行園中亦有山頗可肩輿登欣  
於內臣慣厭與外人并我近觀明史其禍致弗輕所以  
國朝制

家法萬世繩羽林及蓋族出必陪蹕清既因悉其材復  
用聯厭情我豈或忘茲永言告雲仍

引水

向臨獅園湖水洄園吏束手無策矣了知山水可借引

障溪疏壑聊示指障乃俾溪弗注他

園牆外舊有溪障之使弗下流疏

則剔壑來灌此

新疏小渠引流入園中

今番居然水滿湖風亦

波瀾荷亦綺由來萬事在人為所戒姑息而坐視更慮

夏霖或暴漲障反宜疏

仍令流牆外

疏障抵

使非入園中

宣防小

試諭所司南望清黃實難耳

賦得初日芙蓉

六月呈春色東山出曉曦流光晶且嫩寫影淨猶怡四

岸開奩潤一湖朗鏡披新粧端以正宿洗粉和脂香藉

水風散潤含晨露滋書如李氏帖

梁武帝評書李鎮東書如芙蓉之出水

詩乃謝家詞

南史鮑照云謝靈運五言如初發芙蓉

自是瑤池品而非塵

世姿設將擬太華受照早於其

地形北高而南低太華雖高以地形度之則低

于此處矣地高則近天而受日照必早故云

熱

熱亦豈可無長養資炎暑而心切切者恐復蒸為雨山

田既透潤畿南逮數府

今歲關外雨澤優霑山田極為暢茂而畿南各郡亦經周元理

屢報普溼時霖然過多人非  
所宜恐太熱或不免釀雨耳  
茲乃望時暘或可秋成覩

懼熱非為

去聲

已斯實避暑所

夜雨

六月廿四日

山莊快霽經四日夜醒忽聽簷溜鳴情知溽暑時行候  
禾稌況是長已成欹枕溜細因以寐片刻復聞浩浩聲  
朝來時息亦時作霖哉適可止而停去歲此際頗望雨  
今年此際殊盼晴非闕吾中無定見大都切切緣農耕

綠雲樓

夏木方張王

二字皆去聲

山樓未寂寥三間恰臨迴一碧直

連霄肯使豐隆擅還羸王母謠天風與流盪解令暑全

消

水月精舍

峭壁十尋溪帶底上築精舍俯清泚名曰水月已有年  
春魄秋蟾恒在裏我惟偷暇偶一臨幾曾玩彼影娥美  
軒楹真是善循名我所見乃虛名耳尋思若此者多矣

招涼榭

避暑那無暑招涼便有涼了知他所異原是此間長喬  
樹延爽籟窈窕峯隱夕陽底須置班詠紈扇早斯藏

觀瀑

遙源引水來遇峽懸流落不言聽言觀

聖意別有托聽在音擬然觀於色澹若一動而一靜是  
理宜斟酌

林下戲題

偶來林下坐嘉蔭實清便樂彼艱倭指

朝臣致仕者稱  
林下向如沈德

潛錢陳犀張泰開鄒一桂輩已皆為古人今雖有告  
休者不過一二而品行學問亦遠不及彼數人也如

予未息肩炎曦遮葉渡真籟透枝穿擬號箇中者還當

二十年

余嘗立願至八十五歲即當歸政距  
今尚有二十年方得遂林泉之樂耳

四川總督文綬奏報川省得雨情形詩以誌事

川東南北雖霑雨仲夏非優季夏優

文綬奏川北川東  
川南等處五月初十至

節次得有透雨省城自五月得雨後又于六月初十至  
十四等日甘霽連綿今歲節氣稍遲其未栽插者尚可  
及時補時已插者著  
蔥彌望可冀有秋 今歲節遲堪補種三農情喜望登

秋軍糈實賴豐收辦戰士還塵陰潦留

軍糈米糧尚資  
採買惟盼歲事

屢豐今膏雨應時子農田甚為有益但官兵逼近賊巢  
正須進勦又恐雨多致潦阻我軍行此心實有難于並  
慰  
一擘奏囊心兩繫半因慰復半因愁

御製詩四集卷三十一